

元和郡縣志卷三十四

唐 李吉甫 撰

劍南道三州之前案唐書地理志曰劍南探訪使所管梓

化所有乾州其縣曰招度武寧遠是志不載又文獻通

使所管內而東川節度使所管亦無之又文獻通

則渝州唐時屬山南是志渝合二州屬山南道川舊唐書

梓州梓潼下

開元戶六千九百八十五十八鄉鄉一二十六

今為東川節度使理所州管梓州普劍州榮州遂州瀘

元和郡縣志 卷三十四 一

州龍州昌州 管縣六十九 都管戶三萬一千七百二十二

禹貢梁州之域秦并天下是為蜀郡漢高帝分置廣漢

郡今州即廣漢郡郫廣漢二縣地也宋于此置新城郡

梁武陵王蕭紀于郡置新州隋開皇末改為梓州因梓

潼水以為名也州城宋元嘉中築左帶涪水右挾中江

居水陸之衝要

州境東西南北三百六十二里

八到東北至上都取綿州路一千八百六十四里

正東至微南至果州三百五十里

東北至閬州三百五十五里
正南至東州至普州三百五十里

西南至漢州二百一十里
西至簡州三百一十里

西北至綿州一百二十里
正北微東至劍州三百六十里

貢賦 開元貢 綾 絹 綿 絲布

元和貢 綾 十六疋 柑子 空青 曾青

管縣九

鄆 射洪 通泉 玄武 鹽亭 永泰

飛鳥 銅山 涪城

鄆縣 望郭下

元和郡縣志

卷三十四

二

本漢舊縣屬廣漢郡因鄆江水為名也後魏置昌城郡
改名昌城縣隋大業三年復為鄆縣

牛頭山一名華林山在縣西南二里四面危絕

涪江水經縣東去縣四里

縣有鹽井二十六所

射洪縣 上西北至州六十里

本漢鄆縣地後魏分置射洪縣縣有梓潼水與涪江合
流急如箭奔射涪江口蜀人謂水口曰洪因名射洪

白崖山在縣南十五里

涪江水西北自鄴縣界流入在縣東一百步灘十七所

通泉縣

緊西北至州一百四十里

本漢廣漢縣地宋于此置西宕渠郡後魏恭帝移于涌山改名涌泉郡周明帝置通井縣隋開皇三年改爲通泉縣十八年改屬梓州

通泉山在縣南二里山前有石蝦蟆高七八尺

涪江水經縣東三里

沈水北自鹽亭縣界流入公孫述令延岑盛兵于沈水固守臧宮進兵縱擊大破之斬首溺死者萬餘人卽此元和郡縣志

卷三十四

三

也
赤車鹽井在縣西北十二里又別有鹽井一十三所

玄武縣

上東至州一百一十五里

本先主所立五城縣也屬廣漢郡後魏平蜀立玄武郡以縣屬焉隋開皇三年改五城爲玄武縣因玄武山爲名也屬益州武德三年割屬梓州

玄武山在縣東二里山出龍骨

天柱山一名覆船山在縣西南四十里

七里坂在縣東七里

內江水本名中江經縣南去縣百步

鹽亭縣

上西南至州九十三里

本漢廣漢縣地梁于此置北宕渠郡及縣後魏恭帝改爲鹽亭縣以近鹽井因名隋開皇三年罷郡屬梓州梓潼水經縣南去縣三里

永泰縣

中西南至州一百四十五里

本漢巴郡充國縣地武德四年分置地號永泰因以爲名

鹽亭溪水經縣北去縣一十九里

元和郡縣志

卷三十四

四

大汁鹽井在縣東四十二里又有小汁鹽井歌井針井飛鳥縣

上東北至州一百四十五里

本漢郫縣地隋開皇十三年于此置飛鳥鎮十年改鎮爲縣因山爲名

飛鳥山在縣西南五十五里

哥郎等八山並出銅鈔

郫江水經縣北去縣四十里

銅山縣

中東北至州一百二十里

本郫縣地有銅山漢文帝賜鄧通蜀銅山鑄錢此蓋其

餘峰也歷代採鑄貞觀二十三年置監署官前上元三年廢監調露元年因廢監置銅山縣

飛鳥山在縣西南三十五里

鄴江水經縣南五里

涪城縣

緊東南至州六十里

本漢涪縣地隋開皇十六年改置涪城縣屬綿州大歷十三年割屬梓州

劔州

普安上

開元戶一萬三千九百七十六

鄉二十五

元和郡縣志

卷三十四

五

本漢廣漢郡之梓潼縣地武帝置十三州屬益州宋于此置南安郡梁武陵王蕭紀改郡立安州後魏廢帝二年先下安州始通巴蜀故改安州為始州隋大業三年罷始州為普安郡武德元年復為始州先天二年改為劔州取劔閣為名也

州境

東南西北二百六十七里

八到

東北至上都一千四百三十里

東南至聞州二百二十里

西南至綿州二百九十里

西北至龍州三百二十里

貢賦

開元貢賦

蘇薰席
綿薰絹

元和貢

蘇薰席六領

巴戟天

重臺

管縣八

普安

梓潼

黃安

永歸

陰平

武連

臨津

劔門

普安縣

中郭下

本漢梓潼縣地宋于此置南安縣周改爲普安縣

大劔山亦曰梁山在縣北四十九里初姜維自沓中爲

鄧艾所摧與張翼董厥合還保劔門以拒鍾會卽此也

元和郡縣志

卷三十四

六

石新婦東北一里千人巖之南崖絕壁高數千丈卽劔山之危峰見數百里外旁視衆嶺猶平地也巖下高百許丈有石壁紅色方如座席卽張孟陽勒銘之處也千人巖有石室可容千人因名

大劔水出縣西四十九里空冢山下

漢德政城又名黃蘆城在縣東北四十六里三面並阻絕澗惟西面少平周迴百五十步

鍾會故壘一名開遠戍在縣東北五十三里亦名空冢戍晉鍾會軍至此旣度劔閣居死地遂掘冢決爲死戰

既無所埋故曰空冢後魏改名開遠戍

大劔鎮在縣東四十八里本姜維拒鍾會壘也在開遠戍東十一里其山峭壁千丈下瞰絕澗飛閣以通行旅梁時于此置大劔戍

劔閣道自利州益昌縣界西南十里至大劔鎮合今驛道秦惠王使張儀司馬錯從石牛道伐蜀卽此也後諸葛亮相蜀又鑿石駕空爲飛梁閣道以通行路初李特入漢川至劔閣顧盼曰劉禪有如此地而面縛于人豈非庸才

元和郡縣志

卷三十四

七

石新婦神在縣東北四十九里大劔東北三十里夫遠征婦極望忘歸因化爲石

梓潼縣

上東北至州一百六十里

本漢舊縣屬廣漢郡蜀先主分廣漢置梓潼郡以縣屬焉隋開皇三年罷郡以縣屬始州後改屬劔州

梓潼水一名馳水北自陰平縣界流入

鄧艾祠在縣南百步

黃安縣

中下北至州一百四十里

本漢梓潼縣地宋于此置華陽縣屬南安郡後魏禪帝

改爲南安縣周武帝改爲黃安縣

永歸縣

中下西北至州五十三里

本漢梓潼縣地宋于此置白水縣周閔帝改爲永歸縣

陰平縣

中東至州一百四十里

本漢梓潼縣地宋明帝泰始中于此置北陰平郡并縣
隋開皇三年罷郡以縣屬始州皇朝初因之後改入劍
州

龍血山一曰龍象巖在縣北五十里絕壁高巖萬有餘
丈有四石龍在石壁間昔者羣龍共鬪四龍疲屨嘔血
死因化爲石血變成鼈堪充器物但不耐風日綿布四
五里上人取之今龍象猶存石不復入用

岐江水下流卽梓潼水也東流縣西南五里

武連縣

中東北至州八十五里

本漢梓潼縣地宋元嘉中于縣南五里僑立武都郡下
辨縣又改下辨僑置武功縣周明帝改武功爲武連縣
隋開皇三年罷郡以縣屬始州

臨津縣

中下西北至州一百三里

本漢梓潼縣地南齊于此置胡原縣隋開皇七年改爲

臨津縣

掌夫山在縣西南六十里晉太安元年遣都護衛博討李特特遣將李盪自掌夫山要博博為伏兵所圍即此山山出名柘堪為弓材雖屢桑燕角不能勝也

劔門縣

中西南至州六十里

本漢葭萌縣地聖歷二年分普安永歸陰平三縣置劔門縣因劔門為名也

梁山在縣西南二十四里即劔門山也

綿州

巴西上

元和郡縣志

卷三十四

九

聞元戶七千一百四十八

鄉一百十三鄉九十三

本漢廣漢郡之涪縣後魏廢帝二年徙梓潼郡理梓潼

舊城于此別置潼州

梓潼舊城在
今劔州界

隋開皇五年改潼州

為綿州因綿水為名也大業三年改為金山郡武德元年復為綿州按州理城漢涪縣也去成都三百五十里依山作固東據天池西臨涪水形如北斗臥龍伏馬為蜀東北之要衝梁天監中張齊為太守更造樓櫓卻敵有東西門東門久塞富樂山氣所衝門開則喪亂宋元嘉初太守王懷業開之果致覆敗爾後還塞

州境東北三百一十二里

八到東北至上都二千五百九十四里

東南至梓州一百三十里

西南至漢州一百八十里

貢賦開元對鳳兩窠獨窠白紬 雙釧二十疋

管縣八

巴西 昌明 羅江 神泉 龍安 魏城

鹽泉 西昌

巴西縣望郭下

元和郡縣志 卷三十四 十

本漢涪縣地屬廣漢郡先主定蜀立梓潼郡以縣屬焉
晉孝武帝徙梓潼郡于此後魏改爲巴中縣隋開皇元
年避廟諱改爲巴西縣

富樂山在縣東五里

天池山在縣北一十餘里

涪江水經縣西去縣五十步

羅江水經縣西去縣三十五里

蔣琬墓在縣西八里琬爲大司馬住漢中後上疏曰今
涪水陸四通惟急是應若東北有虞赴之不難由是琬

還住涪疾轉增劇卒于此而葬焉

譙周墓在縣南十六里周將亡戒諸子曰吾後嗣當有黃頭黑齒幾亡吾族及周孫縱之生也頭黃齒黑晉末刺史毛璩使縱領白徒七百人由涪水下討桓玄西人不樂遠征乃逼縱爲主攻陷巴西遂屠益州旣害毛璩自號成都王義熙九年朱齡石討平之卒如周言

昌明縣

緊南至州七十里

本漢涪縣地晉孝武帝自白沙戍移漢昌縣僑理于此仍屬巴西郡後魏廢帝改漢昌爲昌隆縣先天元年改

元和郡縣志

卷三十四

十一

爲昌明縣

涪水經縣南去縣一里

羅江縣

中

廉水經縣東北讓水出縣北平地宋明帝時梓潼涪入范百年因論事之次帝語及廣州貪泉百年對曰臣家

梁益所居廉讓之間卽此水也

案此條前缺羅江縣建置原委據舊唐書羅江

漢涪縣地晉于梓潼水尾萬安故城置萬安縣後魏置萬安郡隋廢天寶元年改萬安爲羅江廉泉讓水出縣北平地也又有新唐書云縣北五里有茫江堰引射水溉田此皆缺載

神泉縣

上東北至州八十四里

本漢涪縣地晉孝武帝于此僑置西充國縣屬巴西郡
隋開皇三年罷郡縣屬潼州六年改爲神泉縣因縣西
神泉爲名

神泉在縣西平地冬夏溫沸氣如附子能愈衆疾

龍安縣

上東北至州七十八里

本漢涪縣地周武帝天和六年于此置金山縣隋大業
三年廢武德三年于廢金山縣城置龍安縣因山爲名
金山在縣東五十步每夏雨奔注崩頽之所則金粟散
出大者如碁子

元和郡縣志

卷三十四

十二

龍安山在縣北十里有好林泉隋開皇中蜀王楊秀立
亭館以避暑

魏城縣

上西南至州六十五里

本漢涪縣地隋大業十年自鹽泉井移魏城縣理此屬
金山郡按鹽泉井在今縣東南四十五里鹽泉縣理是
也

高靈山在縣北二十四里

東西井在縣東南四里井西爲涪縣界井東爲梓潼縣
界二縣界分境之所故曰東西

鹽泉縣 中下西至州五十六里

本漢涪縣地後魏禪帝元年割涪縣置魏城縣武德三年分魏城置鹽泉縣

五層山在縣西南三十里

梓潼水經縣北去縣十八里

陽下鹽井在縣西一里

西昌縣 中東至州五十六里

本漢涪縣地晉孝武帝于此僑置益昌縣隋開皇三年省永淳元年又置以與利州益昌縣同名以其在州西

元和郡縣志 卷三十四 十三

因改爲西昌縣

龍臺山在縣東北四里

龍安水在縣北五里

遂州 遂寧中府

開元戶三萬七千三百七十七 鄉六十五
元和戶三千八百四十六 鄉六十五

禹貢梁州之域秦爲蜀郡地漢分置廣漢郡今州又爲廣漢郡之廣漢縣地後分廣漢爲德陽縣東晉分置遂寧郡周保定二年立爲遂州後因之

州境 東西一百二十里
南北一百九十里

八到東北至東都取果州路八十里

東北至合州二百七十里

正南至微梓州二百五十里

貢賦開元貢 樛蒲綾一十五疋 天和門冬 柑子

管縣五

方義 長江 青石 蓬溪 遂寧

方義縣望郭下

本晉小溪縣也穆帝永和十一年置屬遂寧郡後魏恭帝改爲方義縣隋開皇三年罷郡縣屬遂州

元和郡縣志 卷三十四 十四

涪江水北去縣八十步

縣四面各有鹽井凡一十二所

靈星池在縣西南四里

龍池在縣北百二十步

長江縣上南至州五十里

本晉巴興縣魏恭帝改爲長江縣

涪江經縣南去縣二百五步

青石縣中西北至州七十里

本晉之晉興縣也本屬巴郡既置遂寧乃割屬焉後魏

改爲始興縣隋開皇十八年改爲青石縣

青石山在縣東南水路五十九里舊巴蜀爭界累年未分一朝密霧石爲之裂破從上至下直若引繩因此定遂合二州之界

涪水經縣南去縣一里

九節溪出縣東三十六里灘有九節因爲名

蓬溪縣 中西南至州一百二十里

永淳元年割方義縣北界于今縣南二十里蓬川置唐

興縣長壽二年改爲武豐神龍元年復爲唐興天寶元

元和郡縣志

卷三十四

十五

年改爲蓬溪

石香爐山在縣西五里

縣有鹽井一十三所

遂寧縣 中東南至州一百二十里

景龍二年割青石縣置

渝州 南平下

開元戶五千九百六十二 鄉十七
元和戶八百三十二 鄉一十

禹貢梁州之域古之巴國也聞白二水東南流曲折如巴字故謂之巴然則巴國因水爲名武王伐殷巴人助

焉其人勇銳歌舞以凌殷郊後封爲巴子其地東至魚復西抵夔道北接漢中南極牂柯是其界也春秋時亦爲巴國戰國時楚旣稱王巴亦稱王秦惠文王使張儀司馬錯伐巴蜀滅之分其地爲三十一縣始皇置三十六郡巴卽一焉漢高帝旣定三秦項羽背約封爲漢王王巴蜀天下旣定乃分巴蜀置廣漢郡武帝又置犍爲郡劉璋爲益州牧于是分巴郡自墊江以下爲永寧郡先主又以固陵爲巴東郡由是巴郡分而爲三號曰三巴梁武陵王蕭紀于巴郡置楚州後魏改爲巴州周閔元和郡縣志

卷三十四

十六

帝又改爲楚州隋開皇九年改楚州爲渝州因渝水爲名漢高祖還伐秦巴人從軍歌舞陷陣帝善之曰此武王伐紂之歌也後令習之所謂巴渝舞也

州境東西南北四五百七十九里

八到東北至東上都二千八百七十里

東北至涪州水路三百四十里

西南至瀘州水路七百四十里

西北至合州四百六十里
江津縣在州西一百二十里
循夔溪水路至南州三百三十里

百三十里

貢賦

開元貢
元和貢

葛五疋
牡丹皮
藥子

管縣五

巴 江津 萬壽 南平 璧山

巴縣

中下郭下

本漢江州縣也屬巴郡在岷江之西漢水之南卽蜀將李嚴所修古巴城也南齊改爲墊江縣周明帝武成三年改爲巴縣後遂不改

州理城卽漢巴郡城也先主令都督李嚴鎮此又鑿南山欲會文涪二水使城在孤洲上會嚴被徵不卒其事

元和郡縣志

卷三十四

十七

鑿處猶存

江津縣

中下東至州一百二十里

本漢江州縣地屬巴郡周改爲江陽縣隋開皇三年改爲江津縣屬渝州

萬壽縣

中下東北至州三百八十里

本漢江州縣地武德三年分江津置萬春縣屬渝州五年改爲萬壽縣

綾綿山在縣西八十五里

大江水經縣南去縣二里

南平縣 中下西至州一百三十里

本漢江州縣地貞觀四年分巴縣置南平縣屬南平州
十三年廢州縣改屬渝州

瀛山在縣西南三百七十里以其高峻象海中蓬瀛故名

巴子魚池在縣西北一十里

壁山縣 中下東北至州一百八十里

本漢江津萬壽巴三縣地四面高山中央平田周迴約
二百里天寶中諸州逃戶多投此營種川中有一孤山

元和郡縣志 卷三十四 十八

西北二面險峻東南面稍平土人號為重壁山至德二
年置縣因山為名縣東陸路至江津縣二百三十里

合州 巴川中

開元戶二千八百七十二 鄉四十二
元和戶二千八百九十二 鄉三十九

禹貢梁州之域春秋時為巴國秦滅之以為巴郡今州
即漢巴郡之墊江縣地也宋文帝元嘉中于此置東宕
渠郡後魏恭帝于東宕渠郡改置合州以涪江自梓遂
州來至州南與嘉陵江合流因名合州

州境 東三百二十四里
南六百三十九里
西三百三十九里
北六百三十九里

八到東北至東都三千五百一十里

西南至遂州陸路二百六十里水路三百七十里
北至果州三百里

貢賦開元貢藥子一百顆榮龍牡丹皮十斤竝傳寫筋

管縣六

石鏡 漢初 新明 銅梁 巴川 赤水

石鏡縣上郭下

本漢墊江縣屬巴郡後漢岑彭與臧宮伐公孫述自江州從涪水上至墊江是也宋文帝于此置東宕渠郡石

元和郡縣志 卷三十四 十九

似鏡因以為名

銅梁山在縣南九里蜀都賦曰外負銅梁石渠是也山出鐵及桃枝竹

涪江水經縣南去縣二百步

巴子城在縣南五里

漢初縣中東南至州一百九十四里

本漢墊江縣地後魏于此置漢初縣屬合州

西溪水一名嘉陵水經縣理南去縣一里

新明縣中西南至州一百二十里

本漢墊江縣地自後魏訖隋又爲石鏡縣地武德二年分石鏡縣之東北界爲新明縣

銅梁縣

中東至州二百五十里

長安四年刺史陳靖意以大足川僑戶輻湊置縣取小銅梁山爲名

小銅梁山在縣西北七十里

涪江水在縣東北四十里

巴川縣

中北至州二百里

開元二十三年刺史孫希莊奏割石鏡之南銅梁之東

元和郡縣志

卷三十四

二十

置縣

小安南溪源出縣南山下

赤水縣

中東至州一百里

本漢墊江縣地隋開皇八年分石鏡縣于今縣西二里

置縣因水爲名

朝霞山在縣南十八里

普州

安岳中

開元戶三萬二千六百八十一

案鄉數傳寫缺

禹貢梁州之域秦漢爲巴蜀二郡之地今州卽漢之資

中牛鞞鞞音髀 墊江後漢之德陽四縣之地周武帝于縣立

普州隋大業二年罷普州以所領縣屬資州武德二年

重置

州境東西北西一百九十三里

八到東北至東都二千一百六十里

正西南微西北至簡州二百四十里

正北微西至梓州二百五十里

貢賦開元賦葛八疋 紵布 絹

元和貢 天門冬

元和郡縣志

卷三十四

二十一

管縣六

安岳 普康 安居 普慈 崇龕 樂至

安岳縣上郭下

周武帝建德四年與州同置

縣有鹽井一十所

安岳山在縣西南一里

普康縣下北至州七十里

周建德四年于此置永康縣隋開皇十八年改爲隆康

先天元年改爲普康

縣有鹽井三所

安居縣

中南至州八十里

本周柔剛縣也因山爲名隋開皇十二年改爲安居縣因水爲名天授三年移于今理

柔剛山在縣東二十里

安居水在縣北八十步

縣有鹽井四所

普慈縣

中東南至州一百里

本名多業縣周建德四年置屬普慈郡隋開皇十三年

元和郡縣志

卷三十四

二十二

改多業爲普慈

婆娑山在縣西北三十里其山綿亘數百里

安居水在縣北一里

縣有鹽井一十四所

崇龕縣

下西至州一百一十里

隋開皇三年于此置隆龕鎮大業十二年于鎮置縣先天元年改爲崇龕因崇龕山爲名

崇龕山在縣西三里

樂至縣

中東至州一百四十里

本周車免鎮也屬普州以車免山爲名武德三年于鎮置樂至縣

樂至池在縣東二里

榮州 和義下

開元戶八千七百七十一
元和戶八百八十七 鄉二十一
鄉二十五

禹貢梁州之域秦爲蜀郡地在漢卽犍爲郡之南安縣地也李雄據蜀後夷獠居之所謂鐵山生獠也隋開皇十三年置大牢縣武德元年割資州大牢威遠二縣于公井鎮置榮州取榮德山爲名也

元和郡縣志

卷三十四

二十三

州境 東一百八十三里
南一百三十六里
西一百三十六里
北一百三十六里

八到 東北至上都取資州路二千四百九十里
東北至東都取資州路五百五十里
東北至瀘州水陸相兼五百四十里

東北至瀘州水陸相兼五百四十里
南至戎州三百一十里
西至嘉州二百一十里
西北至陵州二百一十里

貢賦 開元貢 斑布六疋 利鐵

管縣六

旭川 咨官 和義 威遠 公井 應靈

旭川縣 中下郭下

本漢南安縣地貞觀元年于此置旭川縣因縣有鹽井號旭井取以名縣

榮德山在縣東北三十五里

鐵山在縣北四十里

大牢溪出縣北鐵山下南流經縣北

咨官縣

中下東南至州九十里

本漢南安縣地晉義熙十年置治官縣屬犍爲郡隋後誤以治爲咨也武德元年屬嘉州貞觀六年改屬榮州白崖山在縣西北十里

元和郡縣志

卷三十四

二十四

和義縣

中下西南至州一百七十里

本漢資中縣地是資瀘二州界隋大業十二年分置和義縣以招和夷獠故以和義爲名

內江水在縣西一百七十里

縣有鹽井五所

威遠縣

中下西至州七十里

本漢資中縣地隋開皇三年于此置威遠戍以招撫生獠十一年改戍爲縣屬資州武德元年改屬榮州鐵山在縣西北四十里

威遠鎮在縣城內

縣有鹽井七所

公井縣

中下西北至州九十里

本漢江陽縣地

郡周武帝于此置公井鎮隋因

之武德元年于鎮置滎州因改鎮為公井縣

野客山在縣南六十里

縣有鹽井十所又有大公井故縣鎮因取為名

應靈縣

中下東北至州一百五十里

本漢南安縣地隋開皇十年于此置大牢鎮十三年改

元和郡縣志

卷三十四

二十五

鎮為縣縣界有大牢溪因取為名天寶元年改為應靈縣有鹽井四所

陵州

仁壽中

開元戶一萬七千九百五十五

元和戶一千九百八十五

鄉四十七

禹貢梁州之域秦為屬郡地在漢即犍為郡之武陽縣之東境也晉孝武帝太元中為州刺史毛璩益西城戍以防鹽井周閔帝元年又于此置陵州因陵井以為名陸井者本沛國張道陵所開故以陵為號晉太元中刺史毛璩乃于東西兩山築城置主將防衛之後廢陵井

更開狼毒井今之煮井是也居人仍舊名猶曰陵井其實非也今按州城南北二面懸崖斗絕四面顯敞南臨井

州境東西南北一百四十里

八到東北至東都二千七十里

東至資州二百三十五里

東北至成都二百八十里

西至眉州七十九里

貢賦開元賦麩金綿細葛四疋

元和郡縣志

卷三十四

管縣五

仁壽 貴平 籍 始建 井研

仁壽縣上郭下

本漢武陽縣之東境也後魏定蜀于此置普寧縣屬懷仁郡隋開皇三年罷郡以縣屬陵州十八年改普寧為仁壽縣

三隅山有東隅南隅西隅三山相對去陵井各一里故為名

婆支水出縣北婆支山去縣四十五里

陵井縱廣三十丈深八十餘丈益部鹽井甚多此井最大以大牛皮囊盛水引出之役作甚苦以刑徒充役中有祠蓋井神

張道陵祠在縣西南百步陵開鑿鹽井人得其利故爲立祠陵卽張魯之祖父學道鶴鳴山人從受道者出五斗米故時人號米賊亦曰五斗米道

貴平縣

中西南至州六十七里

本漢廣都縣之東南地後魏于此置和仁郡仍立縣唱車山在縣西南九里

元和郡縣志

卷三十四

二十七

祿水在縣南五十步

平井鹽井在縣東南七步

籍縣

上東南至州一百里

本漢武陽縣地周閔帝于此置籍縣因蜀先主籍田地爲名隋大業二年省永徽四年復置

丹沙山在縣南七十里

大江水在縣北三十五里

木津水在縣南五里

始建縣

中下北至州五十七里

本漢武陽縣地隋開皇十年于今縣立始建鎮大業五年改鎮爲縣聖歷二年移于仁壽縣界置其舊縣復置始建鎮

鐵山在縣東南七十里出鐵諸葛亮取爲兵器其鐵剛利堪充貢焉

并研縣 中北至州一百一十五里

本漢武陽縣地隋大業元年因并研鎮立縣取鎮爲名屬陵州

并研鹽井在縣南七里鎮及縣皆取名焉又有四稜井

元和郡縣志  卷三十四 二十八

鑊井

瀘州 瀘川下府

開元戶一萬六千八百七十九 鄉三十七
元和戶一千九百六十九 鄉三十八

禹貢梁州之域春秋戰國時爲巴子國秦并天下爲巴郡地武帝分置犍爲郡今州卽犍爲郡之江陽符二縣之地按江陽卽今州城是也先主入益州遣諸葛亮張飛等引兵泝流定江陽是也晉穆帝遣安西將軍桓溫將萬人伐李子仁軍次江陽亦謂此地也後爲獠所沒梁大通初割江陽郡置瀘川魏置瀘州取瀘水爲名隋

大業三年改爲瀘川郡武德元年復爲瀘州

州境東西北西四百六十八里

八到西北至東都取資州路三千三百三十里

東北至渝州水路七百里

西北至資州泝流六百三十里

西至戎州水路三百一十里陸路二百四十里山路險峻或不通

貢賦開元賦麩金布葛醬

管縣五

瀘川 綿水 江安 富義 合江

元和郡縣志 卷三十四 二十九

瀘川縣中下郭下

本漢江陽縣也屬犍爲郡初曹公入漢中諸葛亮出屯

江陽晉穆帝于縣置東江陽郡領江陽縣隋開皇三年

罷郡以縣屬瀘州大業元年改江陽縣爲瀘川縣皇朝

因之

汶江水經縣南三十步

中江水亦曰綿水經縣北三里出麩金

綿水縣中下東至州一百六十里

本漢江陽縣地晉于此置綿水縣

汶江水經縣東一十五里

江安縣

中下東北至州五十里

本漢江陽縣地也李雄亂後沒于夷獠晉穆帝于此置漢安縣十八年改爲江安縣

方山在縣西北一十二里

汶江水經縣北八十步

可盛鹽井在縣西北一十一里

富義縣

中下東南至州三百里

本漢江陽縣地周武帝于此置富世縣貞觀二十三年

元和郡縣志

卷三十四

三十

改爲富義縣

中江水亦曰綿水經縣東百步

富義鹽井在縣西南五十步月出鹽三千六百六十石

劔南鹽井惟此最大其餘亦有井七所

合江縣

中下西至州一百二十里

本漢符縣地晉穆帝于此置安樂縣梁改置安樂成周改爲合江縣

安樂山在縣東八十三里縣取名焉

龍州

江油下都督府

開元戶九百二十九 元和戶三百二十九 鄉六 鄉六

禹貢梁州之域秦漢及魏不置郡縣魏景元元年詔鄧艾征蜀艾自陰平行無人之地七百餘里鑿山通道造作橋閣山高谷深至為艱險艾以氈自裹推轉而下將土皆攀木緣崖魚貫而進先登至江油即其地也晉于此置平武縣屬陰平郡至梁有楊李二姓最豪分據其地各稱藩于梁至西魏禪帝二年平蜀于此立龍州隋末陷賊武德元年隴蜀平定改為龍門郡其年加西字貞觀元年改為龍州

元和郡縣志

卷三十四

三十一

州境 東四百九十六里 西四百九十六里 南二百九十六里 北二百九十六里

八到 東至上都取利州路一千六百里 東北至東都二千五百里

東至利州三百二十里 東至松州三百二十里

東南至劍州三百二十里 西至綿州二百二十里

西南至茂州四百九十里 西北至扶州六百九十里

北至渝州取文州路三百三十里

貢賦 開元貢 麩金 羚羊角 天雄 側子 烏頭

管縣二

江油 清川

江油縣 中下郭下

本晉平武縣地後魏于此置江油郡并立江油縣以屬焉

石門山在縣東一百三里有石門戍與氏分界去仇池城四百餘里

雪山在縣西三百里以春夏常有積雪也

饗崖山在縣南八十二里出錫

涪江南流經州城東又經江油城東其水出金

清川縣 中下西南至州九十里

元和郡縣志

卷三十四

三十二

本後魏之馬盤郡也領馬盤一縣屬龍州隋開皇三年罷郡縣入郡理屬龍州天寶元年改爲清川縣

昌州 昌元中

案元和戶一千一百九鄉七此州置自乾元故不載開元戶鄉與貢賦

本漢資中縣之東境墊江縣之西境江陽郡之北境皇朝乾元元年左拾遺李鼎祚奏以山川闊遠靖割瀘普渝合資榮等六州界置昌州尋爲狂賊張朝等所焚州遂罷廢大歷十年本道使崔寧又奏復置以鎮押夷獠其城南憑赤水北倚長崑極爲險固

州境案州境里數傳寫缺

八到案北至上東都取三千四百里

正東北至瀘州取合江路三百八十里

正西北至資州三百八十里

貢賦案元和貢賦傳寫缺

管縣四

靜南 昌元 永川 大足

靜南縣中郭下

乾元元年與州同置

元和郡縣志 卷三十四 三十三

銅鼓山在縣北八十里

赤水溪經縣南去縣九十步

始龍溪在縣東南流屈曲五十里合赤水溪流也

昌元縣中東至州一百二十里

乾元元年與州同置東接瀨波溪西臨耶水

葛仙山在縣南一百五十里

瀨波溪在縣南五十步

永川縣下西至州九十里

大歷十一年置東西北三面並枕侯溪水南面接延陵

英山

大鐵山在縣東南八十里

大足縣

下西南至州七十五里

乾元元年與州同置東臨赤水西枕榮山

牛鬪山在縣東南八十里

元和郡縣志

卷三十四

三十四

元和郡縣志卷三十四終